

206 31

LES CVRIEVSES

RECHERCHES

FAITES SVR LA VIE DE
IVLES CESAR,

POVR MONSTRER LES CONFORMITEZ
DE MAZARIN,

AVEC LES VICES DE CE ROMAIN,
DONT IL PORTE VNE PARTIE DV NOM,
LEQUEL EN EST LE SYMBOLE.



M. DC. LII.

294

200 31

LES CURIEUSES

RECHERCHES

FAITES SUR LA VIE DE

IVLES CÉSAR

POUR MONTRER LES CONFORMITÉS

DE MAMZARIN

AVEC LES VICES DE CE ROMAIN

DONT LE PORTE UNE PARTIE DU NOM

LEQUEL EN EST LE SYMBOLE



M. DC. LII



LES CVRIEVSES

recherches faites sur la Vie
de Iules Cesar, pour mon-
strer les conformités de
Mazarin, avec les vices de
ce Romain, dont il porte
vne partie du Nom, lequel
en est le Symbole.



E n'est pas pour obliger Mazarin
que ie fais cette comparaison, com-
me on peut croire; mais pour me
mocquer de l'impudence de quel-
ques-vns de nos Escrivains, qui
donnent les Epistres liminaires des
liures qu'ils dedient à ce Maraut dé-
guisé, qui passe chez nous pour Cardinal, lesquels ont.

mais cette fausse Copie beaucoup au dessus de l'Original, & voulu prouuer que ce premier Iules, qui fut le Miracle de son siecle, & l'estonnement des liuans, n'auoit qu'une estincelle du beau feu du Iules moderne, & qu'un leger crayon des vertus que cettuy-cy leur sembloit posseder en un souuerain degre de perfection: Pour moy i'ay resolu de prouuer au contraire, que comme il n'a que le commencement du nom de l'autre en celuy de Iules, qui luy fut commun avec beaucoup de faquins comme Mazarin, & non la fin en ce nom fameux de CESAR, que nos Empereurs d'Occident affectent encor avec tant de pompe & d'ostentation, il en a tous les vices en effet, & pas vne de ses vertus; & pour rendre cette verite plus manifeste, voyez ce que i'ay remarqué des conformitez du destin de l'un & de l'autre.

Premierement, ils nasquirent tous deux presqu'en un mesme climat: Le premier de parens mediocrement riches; & le second d'une race tout à fait indigne. & tous deux sous un Astre qui les dispoisoit à troubler le repos des autres hommes.

L'augure du nom qui tesmoignoit qu'ils deuoient estre heureux, semble aussi se rencontrer esgal en tous les deux, puisque Cesar tira son nom de Iule, d'Iule qui fut petit fils de Vetus de par Ænee son bon Papa; & Mazarin est surnommé Iules, ie croy parce qu'il deuoit imiter Cesar dans son inclination amoureuse, & bien faire valoir le talent comme luy. Ils s'insinuerent aussi tous deux dans la fortune par des moyens qui tromperent la prudence des plus adroits qui les mesprisoient à cause de leur foiblesse apparente,

5
te, & dans leur ieunesse esproouerent beaucoup de trauerſes & de perils.

Ceſar fut premierement à la ſolde ſous le Queſteur Thermus en Orient, & Mazarin eut autrefois l'honneur d'eſtre Alphere au Caſtel ſainct Ange à Rome.

Ceſar ſeruit chez Nicomede Roy de Bithynie, à diuers vſages; & proſtitua, dit-on, ſa perſonne à la lubricité de ce Roy; & Mazarin de meſme a ſeruy d'eſtaffier à pluſieurs Seigneurs Italiens & Eſpagnols avec leſquels il n'a pas veſcu plus chaſtement.

Ceſar auant toute autre charge fut pourueu d'un Benefice de Preſtre de Iupiter ſous tiltre de Flames d'iceluy; & Mazarin a baſty les fondemens de ſa fortune ſur vn pareil principe, par l'inauſion de quelque petit Benefice à Rome, qui les départ ſouuent aux plus indignes.

Ceſar fut premierement enuoyé de la Republique en Eſpagne, pour en regir vne partie en qualité de Vice-Preteur; & Mazarin s'eſtant gliffé dans cette Prouince à l'ombre de la Mitre du Nonce du Pape, s'y vint premierement monſtrer à la fortune, qui l'ayant trouué ſelon ſon cœur, & propre à faire de grands maux dans le monde, commença de travailler à ſon accroiffement pour le mettre au deſſus de tous ceux qui venans d'Italie comme luy, luy faiſoient ombre au parauant.

Ceſar troubla cette Prouince par ſes intrigues, & ſe haſta d'en ſortir pour vacquer à des emplois plus importants; & Mazarin ayant deſcouuert les ſecrets,

du Roy d'Espagne, en partit aussi promptement pour s'en preualoir dans vne importante occasion, où pratiquant les bonnes graces du defunct Cardinal de Richelieu, pour auoir conseruè Casal à la France au prejudice des interests de l'Espagne, il s'acquist vn droit sur nos biens & sur nos vies, qu'il veut conseruer ou perir.

Cesar de retour à Rome y fomenta les diuisions, & ietta les yeux sur les Gaules pour en auoir le gouuernement, avec dessein de conquerir par la guerre celles de deçà les Monts; & Mazarin ayant fait ses pratiques sur le Pô, est venu de mesme les executer sur la Seine, où il tonne encor avec autant de fureur que iamais.

Cesar en dix ans qu'il mit à conquerir les Gaules y donna plusieurs batailles, en changea l'ordre & le gouuernement, parcourut en ce país toutes les Prouinces & toutes les Villes dont il se rendit le Maistre, & fit par tout des maux incroyables; & Mazarin, bien que sans espoir de nous vaincre & de nous subjuguer, de mesme depuis dix ou douze ans que nostre malheur l'arreste en France, a fait ainsi de cruels rauages en tous les climats, ruiné beaucoup de nos villes, parcouru toutes nos Prouinces, & rendu ce beau sejour, qui fut autresfois celuy des plaisirs & des graces, vn vaste champ de desolation & d'horreur.

Cesar vint tenir les Estats à Paris, qui lors estoit tout renfermé dans l'Isle du Palais; & Mazarin a eu l'honneur d'estre long-temps Chef du Conseil en ceste illustre Cité, qu'il a remplie à la fin de seditions

7
 & de troubles, & qu'il a forcée de se déclarer sa mortelle ennemie.

Cesar se seruit des richesses qu'il rauissoit dans nos Prouinces, pour gaigner les cœurs de quelques-uns des plus puissans d'entre les Romains, qu'il vouloit engager dans les interests, & rendre partisans de sa faction, en leur fournissant de quoy faire des jeux pour gaigner le peuple, ou bastir de superbes Palais, du nombre desquels fut la Basilique de Paulus, qui ne cousta pas moins à bastir que quinze cens mille liures; & Mazarin ayant volé tout l'argent de France, l'a fait transporter de là les Alpes pour le mesme effect.

Cesar fournissant aux plus débauchez & gens qu'il croyoit propres à seconder ses mauuais desseins, les moyens de s'enrichir aux despens des plus gens de bien, s'en fist des amis & des supports; & Mazarin ayant donné les biens du peuple à deuorer aux sangsues de Partisans, en a tiré des sommes immenses, dont il a départy la moindre partie à quelques mercenaires qu'il tient engagez pour faire la guerre à leur Patrie, allegue pour toute excuse que de cette façon il satisfait au conseil de l'Euangile, en ce qu'il ordonne qu'on se fasse des amis de la manne d'iniquité.

Cesar vola le Capitole estant Tresorier, en faisant mettre pareil nombre de liures de plomb en la place d'autant de liures d'or qu'il en enleua, & dans le Portugal premierement, puis dans nos Prouinces rauit les dons que la pieté des peuples y faisoit voir, pillé les Temples consacrez à la memoire des grands

hommes, ou à l'honneur des Dieux, & quelquefois mit des Villes à sac, bien qu'elles ne refusassent aucunement d'obeir à ses ordres, pour trouver dans les biens de leurs Citoyens cruellement massacrez, de quoy fournir aux grands frais qu'il estoit obligé de faire pour entretenir ses pratiques à Rome, & dans tout le reste de l'Estat Romain; & Mazarin ayant espuisé nos peuples de biens par des extorsions insupportables, a rauy tout ce qu'il a pû des biens d'Eglise par vne infinité d'actes de simonie, & durant les guerres a fait piller à ses troupes plusieurs Bourgs, Villes & Villages pour leur tenir lieu de solde, & pour les animer au carnage comme des oiseaux de leurre, & des chiens de meute par cette espece de iouissance.

Cesar fut choqué par le Senat de Rome; & Mazarin par le Parlement de France.

Cesar executa ses premieres entreprises sous l'authorité de sa Republique; & Mazarin abuse de celle du Roy pour ruyner toute la France.

Cesar restablit la puissance des Tribuns à Rome pour se servir de leur audace à choquer l'authorité du Senat; & Mazarin ayant confirmé l'establissement des Intendans dans les Prouinces pour le mesme effet, apres leur destruction, s'est efforcé de transférer au Priué Conseil, composé de ses plus affidez, la puissance & la jurisdiction de toutes les Chambres du Parlement, & mesme depuis quelques iours, pris plaisir d'en establir vn à Pontoise, qui ne sera iamais sedentaire à Mantu; ce qui monstre la grande au-
dité

dité qui le presse de deuorer au plustost les biens de tout l'Estat.

Cesar vendit des Royaumes, & l'alliance des Romains à prix d'argent; & Mazarin ayant fait le mesme trafic en France, n'a iamais donné Benefice qu'il n'ait retenu pension sur les reuenus.

Cesar deffit les Romains les vns par les autres; & Mazarin a tasché de tout son pouuoir de iouer le mesme tour aux Parisiens, témoins ceux de leur nombre à qui l'on donne vulgairement le nom de Mazarins.

Cesar maria sa fille à Pompée pour auoit lieu de le tromper sous pretexte d'amitié, & d'vsurper la puissance souueraine, apres s'estre laisi par son moyen des principales forces & forteresses de l'Empire; & Mazarin a marié, dit-on, vne de ses nieces au Duc de Mercœur pour mettre la diuision dans la Maison de Vendosme, & combattre cette illustre Famille par son sang mesme.

Cesar fit perir le grand Pompée qui l'auoit rendu vainqueur des aduerlaires qu'il auoit dans Rome, & qui l'auoit mis en possession de son Gouvernement des Gaules, en vn temps où les principaux du Senat par la ialousie qu'ils auoient de la puissance qu'il vsurpoit peu à peu, paroissoient vnis au dessein de le destruire; & Mazarin ayant l'obligation de la vie au Prince de Condé (qui se rendit son Protecteur en vn temps où toute la France en armes conspiroit au dessein de le perdre, & qui trahit mesme sa propre reputation en cette entreprise.) s'est efforcé de le perdre.

en luy supposant des crimes, apres l'auoir fait indignement arrester & conduire au Bois de Vincennes.

Cesar fut chassé de Rome par le premier Dictateur perpetuel, vainqueur de la faction contraire; & Mazarin fut aussi chassé de France par le genereux Prince de Condé qui reste à present en armes pour l'obliger d'en sortir encore vne seconde fois.

Cesar fut esleu par brigue, Souuerain Pontife, au prejudice de deux des plus grands personnages de Rome; & Mazarin estant assez heureux pour porter le Chapeau de Cardinal, au lieu que le mestier de ceux de la race estoit, dit-on, d'en faire pour le commun, & mesme esté assez vain pour porter son orgueil iusqu'à l'esper de la Papauté.

Cesar dans les entreprises qu'il fit pour se rendre Maistre de Rome, fit perir beaucoup de personnes de marque, & perdit de son costé Curion qu'il aimoit parfaitement; & Mazarin ayant esté cause de la perte de plusieurs Chefs & grands Capitaines tuez dans les derniers combats qu'il a donnez vainement, dans l'esperance d'opprimer Paris, vient de perdre Mancini ses cheres delices, & le seul appuy de son pouuoir chancellant.

Cesar fut blasmé non seulement pour le mal qu'il faisoit luy-mesme, parce qu'il ne paroïssoit orgueilleux ny fier, mais pour celuy que ses amis dont Antoine estoit le plus insolent, faisoient sous son autorité; & Mazarin a succombé sous le faix de la haine publique, parce qu'il a soustenu les Partisans & le

Duc d'Espenon, le premier fleau de la Guyenne, qui traitant ceux de ce climat comme Florus fit autrefois les Juifs, les obligea de prendre les armes pour se deliurer de sa tyrannie.

Cesar estoit le plus indifferent du monde pour toutes sortes de Religions qu'il mesprisoit également, ne croyant point en l'immortalité de l'ame; & l'on ne scauroit douter que Mazarin ne soit le plus grand impie du monde, puisque ses actions ohoquent toutes les Loix de la Religion, dont ses couleurs monstrent qu'il deuroit estre le plus ferme appuy.

Cesar fut le plus curieux du monde de sa personne, & s'entendoit le mieux au cajol; & Mazarin ayant appliqué souuent la ceruse & le fard à son visage d'Ante-Christ, passe pour vn des meilleurs debiteurs de colles qui soit en France, & scait faire mille tours de souplesse pour gagner l'inclination des plus coquettes.

Cesar aima singulièrement les bijoux & les pierres, & tous les riches ameublemens, iusques là que Suetone rapporte qu'il ne fist voile en Angleterre que dans l'esperance d'y trouuer des perles d'une valeur exquise, que suivant vn bruit commun il croyoit que la Nature eust renfermée dans cette Isle, dont les Romains ne cognoissoient que le nom auparauant: & le mesme Autheur assure qu'il eut honte quelquefois qu'on sceust le prix que luy coustoient certaines pieces de cabinet qu'il auoit acheptées au gré de sa passion, de sorte qu'il deffendoit qu'on l'employast dans le liure de sa despense ordinaire; & Mazarin

pour satisfaire à cette passion qui le presse avec vne auidité beaucoup plus grande, s'est fait vn tresor merueilleux de tout ce qu'il y auoit en France de pieces rares de cette espeece, & mesmes en a despoüillé l'Angleterre sans y faire voile, par l'achapt d'vne escharpe d'vn prix inestimable, que la Reyne de cette Isle refugiée en France, a esté forcée de luy vendre ou engager pour vne somme d'argent peu considerable.

Cesar eut des Maistresses par tout le monde; & Mazarin a promené son amour par toutes les regions Meridionales de l'Europe.

Cesar eut beaucoup d'inclination pour les Reynes aussi bien que pour le Sceptre, & fut amant & aimé de deux ou trois; & si le bruit commun est veritable, Mazarin n'a pas manqué de bonne fortune en pareil sujet.

Cesar fit la guerre d'Alexandrie pour l'amour de Cleopatre, dont il estoit amoureux; & Mazarin entreprist la premiere guerre de Bordeaux en faueur du Duc d'Espèrnon, parce qu'il pretendoit marier vne de ses niepees au Duc de Candale son fils, & qu'il esperoit que tous les deux accepteroient l'offre de cette alliance avec ioye, en consideration d'vn secours d'vne telle importance, donné malgré tant d'obstacles & de difficultez, que Mazarin ne força pas avec la meime adresse que Cesar sceut venir à bout entierement de tout ce qui trauersa son dessein.

Cesar voulut que les femmes fussent communes, & fist vne Loy tendante à cette fin, qu'vn de ses amis

Tribun

Tribun du peuple auoit ordre de publier quand cét Empereur mourut ; & Mazarin ayant permis par tout le viol à ses troupes durant l'vne & l'autre guerre, dist autrefois par la bouche qui rend les Oracles à ceux qui s'en plaignoient, que les femmes ne sont faites que pour seruir aux hommes, ce qui sans doute a le mesme but.

On salua Cesar du nom de Reyne, & Curio mesme dans quelque contestation qu'ils eurent ensemble, osa le nommer le mary de toutes les femmes, & la femme de tous les maris, & luy reprocher le sale commerce qu'il auoit eu avec le Roy Nicomede en sa ieunesse ; & plusieurs personnes de condition ont autrefois galantisé Mazarin sur des sujets aussi reprochables avec autant de verité que de franchise.

Cesar fut enfin l'objet de la raillerie vniuerselle, à cause de ses lubricitez messeantes à vn homme de son aage, & pour son ambition demesurée dans son desir de porter le Sceptre ; & Mazarin presque pour les mesmes sujets a veu sa reputation deschirée par vne infinité d'escrits, qui sont le diuertissement de la France, & l'amusement mesme des plus serieux.

Cesar fut tué par le fils d'vne Dame qu'il auoit aimé ; & Mazarin n'est pas exempt du peril de recevoir vn traitement pareil d'vne main chérie, & dont il a tasché iusques icy de se faire vn support contre la violence de ses ennemis declarez.

Cesar portoit impatiemment le desplaisir d'estre chauue, sçachant qu'on le designoit par cette

D

marque, & que les soldats en son triomphe des
Gaulles auoient mesmes osé chanter hautement ce
Vers,

*Romani seruate uxores mæchum caluum addu-
cimur.*

D'où vint que de tous les honneurs qui luy furent de-
cernez par le Senat, il accomplit plus volontiers
celuy d'une Couronne de Laurier qu'il deuoit por-
ter tousiours; & Mazarin au lieu d'une Couronne de
Lierre qu'il deuroit porter avec raison comme Bac-
chus, puis qu'il excite comme luy la fureur des Me-
nades, portant tousiours vne calotte qui couure à de-
my son defaut, ne manque pas de cette marque d'une
stupidité lubricité.

Enfin Mazarin merite veritablement le nom de
Iules.

F I N.